

▲命令▼

大元帥令

大元帥令

補錄六年十二月三十日大元帥令  
任命鄭啟聰為大元帥府參議此令

大元帥印

中華民國六年十二月三十日

## 函電

電

### 吳王兩議長致湘粵桂聯軍總司令譚浩明電

長沙譚聯軍總司令鑒頃讀勳電猥以前陳管見辱荷獎飾慚悚實深我軍於溘日進攻岳城苦戰五晝夜賴執事神算無遺諸將士踴躍用命於感日將岳州完全收復豐功偉績震懾古今敵軍於潰退之餘縱火劫掠紀律蕩然殊堪痛恨此後撫綏安集端賴盡籌瞻望旌旗曷勝懼忱抑淚等再有請者兵貴迅速彼於正當聚訟莫決之際理曲氣餒如以新勝節制之師下荆宜出武漢勢如摧枯拉朽一勞永逸之謀無逾於此想早在執事學畫中無勞借箸也吳景濂王正廷等卅

### 南京督軍李純致大元帥電

孫中山先生鑒宇內戰已兩月矣此以荆襄之故重起戰端愧無從辦之謀恐成燎原之勢調人惟當引咎不敢再贊一詞然而國家興亡匹夫有責調人固國家一分子國家今日興亡之機可謂間不容髮矣姑就調人之地位試進最後之忠言爲我四萬萬同胞一請命焉夫古今變亂之亟中外交迫之險未有甚於民國之歷史而急於今日之局勢者也言戰言和皆非得已願戰有戰之目的何以策全何以善後和有和之範圍孰爲先決孰爲結果要必以國家爲前提以人民公意爲從違然後能得根本解決否則戰固足以取亡和亦不過敷衍一時之計而來車之覆轍仍將復循前軌今言和已兩月矣文電往還迄無要領居間者方從事接洽而當局者已發令進攻今戰禍又重開矣北逐荆襄獨立之師南進岳州防

禦之地變生倉卒勢多牽連詰其原因皆非本願雙方有詞可執而調人無策可施矣雖然求何以爲和之故不得求何以爲戰之故亦不得波詭雲譎地黯天昏馴至大陸化龍蛇之場而漁人獲鷓蚌之利紛紜混沌以亡其國而國民茫然不知所由豈不重可哀哉今誠何力能使不戰抑又何心忍聽不和然今之爲此言者固非調人言和之所表示也荆襄已矣岳州亦已矣南軍已有電聲明嚴勒所部勿再前進此故戰和一關鍵也請爲擬訂簡單之要約先各停戰雙方限日提出一定條件明白宣佈通告國人必如此而後和苟不如此則必使吾四民之顛沛流離者吾三軍之士冒鋒鏑糜血肉者知吾死焉亡焉果何所爲而至此則亦甘心瞑目而無怨而所提條件果爲國也爲民也爲一人權利之私也乃至非法無理無而所爲也亦使四萬萬國民確知其是非曲直之所在其可和也無論何等條件或以法理爲去取或視民意爲從違上之可推中央主持下之可聽輿論評斷乃至特開會議別設機關果有尊法理重民意之誠心何患無解決糾紛之道且可進而共謀國是確立政本永禁挾武力以供內爭自可抑遏亂萌長享和平之幸福其不可和也則以堂堂之陣正正之旗與問罪之師而討國人之公敵其孰敢抗而孰敢議其非今日之言盡此矣蓋欲一明戰和真相耳如以和爲是請各賜電言和即聯同申請中央立頒停戰之令統兵者亦各斂兵以待靜候公決決而不服至於用兵則討公敵也各督軍自有天職義不容辭若以戰爲是亦請各賜電言戰苟有不能不戰之故亦何敢違但以沌混莫名之狀而至傾覆我國家塗炭我生民既依違之不忍復挽救之無從純惟有披髮入山不問世事不敢負此鉅任坐視淪胥明知多言獲罪而憂國愚誠難安緘默時機迫矣存亡呼吸之際急何擇言言不盡意天日在上自矢靡他知我罪我非所計也伏願當局英賢在野明哲共抒偉畧破此沈冥存亡祇有兩途是非決於一語馨香禱

祝惟在是耳擬將以上辦法臚陳我大總統倘荷省納必有轉圜迫切哀鳴敬候明教李純卅一

### 吳王兩議長致下岳州各軍電

岳州馬慎堂司令韋善堂司令程頌雲總司令趙師長劉鎮守使林旅長均鑒頃奉譚聯軍總司令勸電知公等於漢日會合精銳進攻岳城苦戰五晝夜追奔逐北所向有功於感日完全收復岳州偉績殊勳震爍今古從茲進窺荆宜會師武漢肅清叛逆還我法治爲期當在不遠隨電懽懽不盡所懷吳景濂王正廷等卅一

### 唐元帥致大元帥電

孫中山先生鑒前接黎石兩司令電告曹張進攻情形此間原以全力定川卽行令兵東下近聞荆襄戰事甚爲激烈已飭口總司令先撥駐紮夔萬隊伍下趨宜昌以牽敵勢此間並酌派部隊繼續進發特此奉聞唐繼堯印

### 吳王兩議長致湖北靖國軍司令唐克明等電

公安投唐石兩司令均鑒敬電誦悉敵情叵測陷我荆沙逃聽痛心惋惜何極然順昌逆亡定理斯在人喻法無可逾士知時不可失則最後勝利寄於吾輩諸公奮利雄明爲荆民倚任徒旅服從屢續增之師聞之雀躍信公理之自在而勝算之必操也謹具電祝符候捷音吳景濂王正廷等江

### 湘粵桂聯軍總司令譚浩明致大元帥電

孫中山先生鑒南京李督軍卅一電庚日始悉自護法興師以來李督軍卽倡言調和歷時三月且經議

政主持益力其希望和平之苦心夷險不渝良深佩仰浩明目擊時艱不忍令民國亡於非法不得已而用兵甚至不得已而再用兵而區區之心希望和平解決固始終不稍移易故至長沙而即止至岳州而再止迭經通電宣言此心足告無罪而亦全國人民之所共諒者惟茲李督軍於主戰僞令發表之後重申調和之議願全大局人同此心苟得根本解決更復何求浩明極表贊同一俟取消主戰之令即當依據法理提出適當條件俾大局易於解決並望各省護法諸公海內愛國人士一致主持大局幸甚譚浩明庚印

## 大元帥致唐元帥電

重慶唐元帥鑒頃誦江電欣悉叙城克復安岳等處次第皆下聞之深為欣賀並知駐萬軍隊已東出夔巫雄師所指逆膽皆奪川境既漸次肅清則大江父老皆將簞食相迎矣專電祝捷續盼佳音孫文庚

## 徐朗西等由滬上大元帥電

孫大元帥鈞鑒頃據陝西來電混成團長胡景翼騎兵團長曹世英已於一月宥日晚以軍政府陝西端國軍名義在渭北宣告討逆先後占領三原輪縣等處不日會同楊振彪劉錫麟耿直等軍進取西安謹此奉陳徐朗西寇選李含芳王鴻賓叩陽

## 大元帥覆南京督軍李純電

南京李督軍鑒頃奉卅一電語長心重讀之慨然此次戰釁重開罪在北京當局無悔禍之誠故平和之聲甫唱旋即躬為戎首西甯為自衛計不得不為相當之應付致垂成之局復敗言之可為痛心文與西

爾將帥切望和平始終如一所主張者祇廢除一切不法法令回復約法效力與國會以永久之保障國會既能完全行使職權一切糾紛不難依法解決事至簡易何憚不為若為之而猶有多所要求不肯能兵者此則逆更叛卒名既不正人人得而討之者也執事憂國恤民力任和平之責文所深佩幸始終主持數布仁風克銷兵氣則國民拜賜無窮矣專電布復不盡悃悃孫文蒸

### 莫代督軍榮新致大元帥電

孫中山先生鑒南京李督軍卅一電譚聯軍總司令庚電均敬悉竊維粵省宣言自主義在護法卽至不得已而用兵每一瞻念前途此心未嘗不中夜耿耿故自湘難初平調和議起粵卽遵約首先罷兵未發者不逾粵畿已發者止於湘境使非荆襄受迫大甚何茲急難將士激昂則數月以還駐湘粵軍始終未越防線一步岳州之役雖不自我開釁然吾何辜身膏鋒鏑撫衷自責已深抱不安竊幸李督顧念時艱堅持毅力於戰令發表之初重申調和之議而譚聯帥亦有勒兵不進切望和平之宣言願全大局諸公既具同情息事甯人甯非榮新素願中央果能表示和平誠意大局卽不難得根本解決但遂護法初衷此外甯存他望而幹旋大力還以望之諸公榮新謹嚴勸部衆以待後命想海內明達愛國諸公必有以激我也榮新叩真印

### 湘粵桂聯軍總司令譚浩明致大元帥電

孫中山先生鑒東電敬悉岳陽爲湘省門戶北方欲監制湘省經營戰場數載於茲堅壘深溝負嶠自固攻取之勢本不易言所賴前敵諸將士敵愾同仇奮死衝擊五日劇戰遂下堅城此皆逆虜兇殘上蒼震怒故穢其魄浩明敢貪天功辱賀寶增慚感現聞彼方計畫分三路進兵戰禍延長勢難中止然彼狹以

力服人之旨當我仗義護法之師天下人心既共知曲直之所在則此間亦惟厲兵秣馬以待決最後之勝負耳謹此復謝浩明唐印

▲啟事▼

軍政府財政部啟事

籌餉委員軍事委員均鑒逕啟者日前由執事領去內國公債收條曾經聲明應每月將售出之存根及款項寄回其未售出者亦應列明號數寄回報告本部以憑整理茲查領去經已數月迄未奉到前項報告亟應催促請即趕緊查照前議將已售出之存根及款項未售之存票號數從速交來并限於二月十一號止如尙未接到尊處前項佈告及交來款項本部定即將領去之票宣佈取銷以清手續仍一面查明已售去票數共得款若干按照追取而示限制務祈照辦實紉公誼此佈

中華民國七年二月十一日

軍政府內政部啟事

啟者本部第四十七號徽章頃在路上遺失無論何人拾取均作無效特此通佈

中華民國七年二月十一日

內政部總務廳啟



▲廣告▼

○軍政府印鑄局公報處廣告(一)

本公報價目

一本報每日出版一號

二定購一月者定價大洋八角三月二元三角半年四元五角常年八元須先交報費

三國內及日本每號郵費半分南洋美洲各埠郵費酌加

四零售每號四仙

○軍政府印鑄局公報處廣告(二)

啟者本公報現既出版至第十一號以本號爲止仍照前贈送自第十二號起除各行政公署及各公共團體仍繼續送閱一份外其餘各個人恕不贈送愛讀諸公請致函本公報發行處定購可也此佈

中華民國六年十月四日

軍政府公報處啟

○大元帥府參軍處啟事

啟者大元帥府之電話號數如左

秘書處二二零零

參軍處副官室庶務科二零四四

衛隊室二零六九

大元帥府參軍處啟